

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 12-oktabr, shanba № 79 (15717)

ЎЗБЕКИСТОН RESPUBLIKASI PREZIDENTINING LATVIYA TASHRIFIGA DOIR

Ўзбекистон Республикаси Президенти Ислон Каримов Латвия Республикаси Президенти Андрис Берзиньшнинг таклифига биноан 2013 йил 16-17 октябрь кунлари давлат ташрифи билан Латвияда бўлади.

Учрашувлар ва музокаралар чоғида Латвия раҳбарияти билан Ўзбекистон ва Латвия ўртасидаги кўп томонлама ҳамкорликни изчил ривожлантириш масалалари, долзарб минтақавий ва халқаро муаммолар муҳокама этилади.

Ташриф якунлари бўйича давлат раҳбарларининг Қўшма баёнотини қабул қилиш, сиёсий, савдо-инвестиция, транспорт-коммуникация соҳалари ва атроф-муҳитни муҳофаза қилишга оид икки томонлама ҳамкорликни янада мустақамлашга қаратилган қатор ҳужжатларни имзолаш режалаштирилмоқда.

ЎЗБЕКИСТОН-ЛАТВИЯ:

ИККИ ТОМОНЛАМА МУНОСАБАТЛАРНИ ЯНАДА ЧУҚУРЛАШТИРИШ ЙЎЛИДА

16 октябрь куни Ўзбекистон Республикаси Президенти Ислон Каримовнинг Латвия Республикасига давлат ташрифи бошланади.

Ўзаро ҳурмат, тенг ҳуқуқлилиқ ва бир-бирининг манфаатларини ҳисобга олиш тамойилларига асосланган дўстлик ва ҳамкорлик ришталари кўп йиллардан бери Ўзбекистон Республикаси ва Латвия Республикасини боғлаб келади.

Латвия Ўзбекистон мустақиллигини 1992 йил 22 октябрда тан олган. Қисқа муддат ўтгач, яъни 1992 йил 3 ноябрь куни мамлакатларимиз ўртасида дипломатия муносабатлари ўрнатилди — бу билан узоқ муддатли икки томонлама ҳамкорлик ривожланишига замин қўйилди.

Олий даражадаги сиёсий мулоқотлар Ўзбекистон ва Латвия муносабатларида мунтазам тус олган. Ўзбекистон Республикаси Президенти Ислон Каримовнинг 1995 ва 2004 йиллари Латвияга давлат ташрифлари икки томонлама алоқалар тарихидаги муҳим воқеалар бўлиб қолган баробарида кўп қиррали Ўзбекистон — Латвия шериклигини янада кенгайтириш ва чуқурлаштиришга кўмаклашди. Ўз навбатида, Латвия президентлари Гунтис Ульманис ва Валдис Затлерс ҳам 1996 ҳамда 2008 йиллари Ўзбекистонга келган эдилар.

Турли йўналишлардаги ўзаро ҳамкорликни тартибга соладиган 30 дан зиёд ҳужжат икки томонлама ҳамкорликнинг шартномавий-ҳуқуқий заминини ташкил этади.

(Давоми 3-бетда)



Сардор Муллажонов фотокolleжи

5-бетга қаранг

Ёшлар бандлиги доимий эътиборда

Президентимиз Ислон Каримов раҳнамолигида мамлакатимизда янги иш ўринлари яратиш, аҳолини иш билан таъминлашнинг мақсадли дастурлари изчиллик билан амалга оширилаётгани иқтисодийнинг барқарор ривожланиши, аҳолининг ҳаёт даражаси ва сифатини, турмуш фаровонлигини янада оширишда муҳим омил бўлмоқда. Айниқса, касб-хунар коллежлари битирувчиларининг бандлигини таъминлашга алоҳида эътибор қаратилаётгани ёшларимизнинг жамиятда ўз ўрнини топиши, ҳаётга, меҳнатга тўғри муносабатини шакллантиришга хизмат қилмоқда.

Тошкент шаҳар ўрта махсус, касб-хунар таълими бошқармасидан маълум қилишларича, 2012-2013 ўқув йилида пойтахтнинг 142 мутахассислик бўйича 36719 нафар ўқувчи битирган.

«Обод турмуш йили» Давлат дастури ва Президентимиз Ислон Каримов-

нинг 2012 йилда мамлакатимизни ижтимоий-иқтисодий ривожлантириш якунлари ҳамда 2013 йилга мўлжалланган иқтисодий дастурнинг энг муҳим устувор йўналишларига бағишланган Ўзбекистон Республикаси Вазирлар Маҳкамасининг мажлисидаги маърузасида белгилаб берилган вазифалар ижросини таъминлаш юзасидан Тошкент шаҳар ўрта махсус, касб-хунар таълими бошқармаси томонидан қатор ташкилот ва идоралар билан ҳамкорликда битирувчиларнинг бандлигини таъминлаш борасида изчил чора-тадбирлар амалга оширилаётир.

Жумладан, касб-хунар коллежлари битирувчилари ҳақида барча маълумотлар жамлашиб, уларнинг амалиёт ўташини ташкил этиш ва ишга жойлашишига кўмаклашиш учун ўқувчилар ўн мингга яқин корхона, ташкилотга шартнома асосида бириктирилди. Ўқувчиларнинг амалиёт машғулотларини юқори савияда ўтказиши, ўз касбини пухта ўрганиши, бўлғуси фаолияти бўйича зарур кўникмаларга эга бўлиши ҳамда ишга жойлашиши алоҳида назоратда. Бунинг натижасида 33773 нафар битирувчини ишга жойлаштириш юзасидан уч томонлама шартномалар имзоланди, туман ҳокимликлари томонидан пойтахтлик 23925 нафар битирувчи учун иш ўринлари кафолатланди.

(Давоми 2-бетда)

2013-yil — Obod turmush yili

ЎЗБЕКИСТОН-ЛАТВИЯ:

ИККИ ТОМОНЛАМА МУНОСАБАТЛАРНИ
ЯНАДА ЧУҚУРЛАШТИРИШ ЙЎЛИДА

(Давоми, боши 1-бетда)

Кейинги йиллар давомида парламентлараро алоқалар ҳам фаол ривожланмоқда — мунтазам ташриф алмашувлари амалга оширилмоқда, бир-бирининг қонун ижодкорлиги фаолияти соҳасидаги тажрибаларини, олиб борилаётган демократик ва ижтимоий-иқтисодий ислохотларнинг ҳуқуқий таъминланишини ўрганиш мақсадида парламент делегацияларининг учрашувлари ўтказилмоқда. 2010 йили Латвия Сеймида Ўзбекистон Республикаси Олий Мажлиси билан ҳамкорлик бўйича гуруҳнинг тузилгани Ўзбекистон — Латвия парламентлараро алоқаларининг янада мустақамланишига кўмаклашди. Ўз навбатида, 2012 йилнинг июнида Ўзбекистон парламентида ҳам Латвия Сейми билан ҳамкорлик бўйича гуруҳ тузилди.

Савдо-иқтисодий соҳада ҳам Ўзбекистон — Латвия ҳамкорлиги тобора ривожланиб бормоқда. Бугунги кунда Латвия Европа Иттифоқи мамлакатлари орасида Ўзбекистоннинг энг йирик уч савдо шериги қаторидан жой олган. Давлатларимиз ўртасида ўрнатилган мумкин қадар кўп қулайлик яратиш режими ўзаро товар айирбошлашнинг оғишмай ўсиб боришига кўмаклашмоқдаки, 2012 йили унинг миқдори 240 миллион АҚШ долларидан зиёдни ташкил этди. Ўзбекистон Латвияга юқори сифатли пахта толаси, машина-мотор мойлари, дори-дармон маҳсулотлари ва бошқа товарларни экспорт қилади. Асбоб-ускуналар, транспорт воситалари, пластмасса, шунинг-

дек, логистика хизматлари эса Латвиядан импортнинг асосини ташкил қилади.

Бугунги кунда республикада латвиялик сармоядорлар иштирокида тузилган 22 та корхона фаолият кўрсатмоқдаки, уларнинг 6 таси 100 фоиз Латвия капитали асосида барпо этилган. Мазкур компанияларнинг фаолияти мебель ишлаб чиқариш, тўқимачилик, нефтни қайта ишлаш, қандолатчилик саноати, полиграфия ва савдо-сотик сингари соҳаларни қамраб олган.

Иқтисодий, саноат ва илмий-техникавий ҳамкорлик бўйича Ўзбекистон — Латвия ҳукуматлараро комиссияси икки мамлакат ўртасидаги муносабатларнинг ривожланишида муҳим ўрин тутди. Мазкур комиссиянинг 2013 йил сентябрида Тошкентда ўтказилган сўнгги йиғилиши доирасида Ўзбекистон ва Латвия ишбилармон доираларининг бизнес форуми ҳам бўлиб ўтди. Унда икки мамлакат тадбиркорлари иқтисодий салоҳият ва мавжуд имкониятлардан самарали фойдаланиш юзасидан фикр алмашиш билан бирга узоқ муддатга мўлжалланган ўзаро манфаатли битимларни тузиш имкониятига ҳам эга бўлдилар.

Маданий-гуманитар соҳадаги ҳамкорликнинг кўламлари ҳам йил сайин кенгайиб бормоқда. Латвияда ўзбек халқининг ноёб тарихий меросига катта ҳурмат билан қарашади. 2004 йили Ригада машҳур аллома ва давлат арбоби Мирзо Улуғбек ҳайкалининг очилиши ўзбек маданиятига нисбатан алоҳида ҳурмат-эҳтиром-

нинг белгиси бўлди. Бундан ташқари, 2006 йилнинг ноябрида Латвия пойтахтида ўзбек халқининг буюк фарзанди Абу Али ибн Сино ҳайкали ҳам қад ростлади.

2004 йил апрелида имзоланган ҳамкорлик тўғрисидаги битимга асосан, икки мамлакат пойтахтлари ўртасида шериклик алоқалари амал қилмоқда. Шунингдек, Латвия миллий операси ҳамда Алишер Навоий номидаги Ўзбекистон Давлат академик катта театри ўртасида йўлга қўйилган ижодий алоқаларнинг кўлами изчиллик билан кенгайиб бормоқда. Мунтазам равишда бадиий кўргазмалар ва суратлар кўргазмалари ўтказилмоқда, концертлар ташкил этилмоқда, икки мамлакатнинг фольклор жамоалари Ўзбекистон ва Латвияда ўтказиладиган турли маданий тадбирларда қатнашмоқдалар. Жумладан, жорий йил 25-30 август кунлари Самарқандда бўлиб ўтган «Шарқ тароналари» IX Халқаро мусиқа фестивалида ҳам латвиялик санъаткорлар иштирок этишди.

Ўзбекистон — Латвия алоқалари ривожланиши барча соҳаларда барқарор ўсвчанликка эга эканлиги эътиборга олинандиган бўлса, шуни комил ишонч билан айтиш мумкинки, Ўзбекистон Республикаси Президенти Ислон Каримовнинг Латвия Республикасига амалга ошириладиган давлат ташрифи мамлакатларимиз ўртасидаги муносабатлар тарихида муҳим воқеа бўлиб қолиши баробарида икки томонлама ҳамкорликнинг янги босқичини бошлаб беради.

«Жаҳон» АА



Yurt himoyasi — muqaddas burch

Касб ва маҳорат масканида

Қуролли Кучларимиз сафига интеллектуал салоҳиятли, жасур ёшларни тарбиялаб беришдек масъулиятли вазифани зиммасига олган Ўзбекистон мудофаасига кўмаклашувчи «Ватанпарвар» ташкилоти Наманган вилояти Янгиқўрғон тумани кенгашининг фаолиятига яқинда ўттиз йил тўлади. Бу айтишгагина осон: аслида, ўттиз йиллик фаолият замирида не-не фидойиликлар, чин меҳнатга хос машаққатлар ётибди. Кенгаш раиси Алижон Тожибоев эса ўтган даврнинг ҳар бир сониясини шу жамоада ўтказгани, ўз ҳаётини ёшларга бахшида этиб, энг яқин устоз, жонқуяр раҳбар сифатида танилгани ҳар қанча эътирофу таҳсинга лойиқ.

— Ҳаётимни ёшларни ватанпарварлик руҳида тарбиялашдек шарафли ва масъулиятли ишга бағишлаётганимдан бахтиёрман, — дейди Алижон Тожибоев. — Жамоамизнинг малакали мураббий ва ўқитувчилари кўмакида ёшлар муддатли ҳарбий хизматга доир барча сабоқларни олмоқда. Таълим даргоҳимиздан бориб, ўз бурчини ўтаётган кўплаб ёшларимизнинг хизматида ижобий баҳо берилаётгани эса бизга ҳақли равишда ифтихор бахш этади, янада янги марралар сари илҳомлантиради.

Кенгаш тасарруфидаги ўқув-спорт, техника клуби, асосан, армиямиз сафларига, шунингдек, халқ ҳўжалиги учун ҳайдовчилар тайёрлашга иختисослаштирилган. Техника клубида «В», «ВС» ва «В» тоифадан «С» тоифага қайта тайёрлаш ўқув гуруҳлари мавжуд бўлиб, ҳайдовчиликка номзодлар замонавий, низом талаблари асосида жиҳозланган қулай ўқув хоналарида таҳсил олишади. Шуни алоҳида таъкидлаш керакки, амалий машғулотларни сифатли олиб

бориш мақсадида ўқув-машқ автомобиллари замонавий ҳамда тежамкор, қулай, юртимизда ишлаб чиқарилаётган автомобиллар билан таъминланмоқда. Шу мақсадда ўқув моддий-техника базасини янада яхшилаш мақсадида автотест билан жиҳозланган тўртта компьютер жамланмаси, саккизта замонавий автомобиль сотиб олинди.

Туманда спортнинг техник ва амалий турларини ривожлантириш мақсадида клуб негизида олтита секция, бошланғич ташкилотларда эса олтита тўғарак мунтазам ишлаб турибди. «Ёзги биатлон», «Ҳаво қуролидан отиш», «Мотоспорт», «Кардинг», «Ҳарбий амалий кўпкураш», «Лайлак ва варрак» сингари секцияларда 73 нафардан ортик спортчилар шуғулланишмоқда. Уларнинг ўн бир нафари кизлардир.

Жамоада ёшларни фақатгина ҳайдовчиликка тайёрлаш билан чекланиб қолмай, уларнинг фаоллигини ошириш, шунингдек, жисмоний тарбия ва спортга жалб этиш борасидаги ишлар

ҳам ўз вақтида амалга оширилади. Бу ерда, айниқса, «Устоз-шогирд» аънаси йўлга қўйилгани, ёш мураббийлар ҳаммиша тажрибали устозларининг кўмаги ва қаноти остида фаолият юритаётгани ибратга лойиқ.

— Ҳамкор ташкилотлар билан спортнинг техник ва амалий турлари бўйича йигирматадан зиёд мусобақа ўтказдик, — дейди Алижон Тожибоев. — Кенгашимиз миллий қадриятларимиз ва одатларимизни унутмаган ҳолда ногирон, кам таъминланганларга доимо меҳр-муруват кўрсатиб келади. Халқаро ногиронларни ҳимоя қилиш кунинда ногиронлар аравачасини сотиб олишга 300 минг сўмлик ҳомийлик ёрдамини кўрсатдик, ходимларнинг Самарқанд ва Бухоро шаҳарларига саёҳатини уюштирдик. Халқаро болаларни ҳимоя қилиш кунинда ҳудудимиздаги болалар боғчасига 250 минг сўмлик турли ўйинчоқлар олиб бердик.

Кенгаш вилоят ва республика миқёсида ўтказиладиган кўрик-танловларда бир неча маротаба фахрли ўринларни қўлга киритиб келмоқда. Масалан, 2007, 2009 — 2012 йилларда мазкур жамоа республика миқёсида ўтказилган «Энг илғор туман кенгаши» номинациясида биринчи ўринни эгаллаган. Шунингдек, Обод турмуш йилида «Автомобиль кўпкураши» танлови бўйича ташкилотларнинг ишчи-хизматчилари ўртасидаги вилоят мусобақасида учинчи ўринни қўлга киритди.

Дилбар АСКАРОВА,
«Turkiston» муҳбириHududlardan
mujdalar

ТОШКЕНТ ШАҲРИ

Ҳаракатнинг Учтепа тумани кенгаши ташаббуси билан Ўзбекистон давлат жаҳон тиллари университетида «Интернет маконининг салбий оқибатлари» мавзуида тадбир ўтказилди.

Унда талаба-ёшларга мутахассислар томонидан интернет маконининг ижобий ва салбий оқибатлари тўғрисида маълумот берилиб, фикр алмашилди. Тадбирда «Ижтимоий тармоқ — қармоқ эмас» мавзуида видеоролик намойиш этилди.

НАВОИЙ ВИЛОЯТИ

Ҳаракатнинг Навоий вилояти кенгашида етакчилар учун ўқув семинар ташкил этилди.

Унда Навоий шаҳридаги «Камалак» сардорларига иш фаолиятида зарур бўладиган билим ва кўникмалар берилди. Семинар давомида қизиқарли психологик тестлар ва интерфаол ўйинлар ўтказилди.

АНДИЖОН ВИЛОЯТИ

Андижон шаҳридаги 3-болалар мусиқа ва санъат мактабида «Янги авлод — 2013» республика болалар ижодиёти фестивалининг шаҳар босқичи бўлиб ўтди.

Танловда умумтаълим мактаблари, болалар мусиқа ва санъат мактаблари ҳамда «Баркамол авлод» болалар ижодиёти марказларидан олти ёшдан ўн тўрт ёшгача бўлган тўрт юзга яқин ўғил-қиз турли йўналишлар бўйича ўз маҳоратларини намойиш этди.

Танлов якунида етмиш нафар энг яхши деб топилган иқтидор эгаси танловнинг вилоят босқичида қатнашадиган бўлди.

СУРХОНДАРЕ ВИЛОЯТИ

Қизирик тумани педагогика колледжиде «Тинчлик учун курашмоқ керак!» мавзуида давра суҳбати бўлиб ўтди.

Унда коллеж ўқитувчи ва ўқувчилари ҳамда маҳалла ёшлари иштирок этди. Тадбирда Ватанимиз тинчлигини асраб-авайлаш, унинг қадрига етиш ҳақида гапирилди. Тадбир давомида диний экстремизм ва терроризмнинг аянчли оқибатлари ҳақидаги фильм намойиш этилди.

Бу йил «Камолот» ёшлар ижтимоий ҳаракати бошланғич ташкилотлари етакчилари учун ҳар томонлама қувончли йил бўлмоқда. Улар учун махсус ўқув семинарлари ташкил этилгани, етакчилар малакали мутахассислар сабоғини олишгани ва шу каби эзгу тадбирлар улар фаолиятида ёрқин саҳифа очганига шубҳа йўқ. Бироқ яқинда яна бир янгилик эшитдик. «Камолот» ёшлар ижтимоий ҳаракати қошида ташкил этилган «Ўқув-услубий марказ» нодавлат таълим муассасаси томонидан бошланғич ташкилотлар етакчилари учун махсус ўқув-услубий қўлланмалар яратилаётган экан. Бу ҳақда эшитдиг-у, тўлиқроқ маълумот олиш, қолаверса, янгилик баҳонасида мазкур таълим муассасаси фаолияти билан яқиндан танишиш мақсадида у ерга ошиқдик.



Етакчи учун ўқув харитаси

«Камолот» ЁИХ қошидаги «Ўқув-услубий марказ» нодавлат таълим муассасасида яратилади

«Ўқув-услубий марказ» нодавлат таълим муассасаси ходимларининг маълум қилишича, яқинда мазкур таълим муассасасининг илмий-услубий кенгаши йиғилишида бир қатор ана шундай ўқув-услубий қўлланмалар тасдиқланди. Эндиликда улар нашрдан чиқарилиб, бошланғич ташкилотлар етакчиларига тарқатилади.

Саёхатчи учун йўл харитаси қанчалик зарур бўлса, ушбу қўлланмалар етакчилар фаолияти учун ҳам шунчалик муҳимдир. Албатта, бундай қўлланмаларни тайёрлаш ўз-ўзидан бўлмайдиган. Қолаверса, «Камолот» ёшлар ижтимоий ҳаракати тизимида турли соҳа мутахассислари фаолият кўрсатади.

ва қайта тайёрлаш фаолият турини амалга оширишга рухсат берувчи лицензияни қўлга киритди. Шунингдек, Ҳаракат тизимларида ходимлар малакасини ошириш ва қайта тайёрлашга қўйиладиган талаблар ишлаб чиқилиб, ваколатли ташкилотлар томонидан рўйхатга олинди. Кадрлар малакасини ошириш йўналишида ўн учта ўқув режа ва дастурлар ишлаб чиқилиб, тегишли тартибда экспертизадан ўтказилди. Умуман олганда, янги таълим муассасаси ташкил этилиши билан Ҳаракат тизимларидаги кадрлар малакасини оширишнинг ўзига хос норматив базаси шакллантирилди.

Хозирда «Ўқув-услубий мар-

рилди. Бу йўналишда учрайдиган муаммолар ечимини топиш учун кичик гуруҳларда амалий иш олиб борилди. Ўқувлар давомида Ҳаракат тизимлари апаратлари, бўлимлари ва масъул ходимларининг функционал хизмат вазифалари тақсимооти, қўйи тизимларнинг янги ташкилий тузилмаси, турли соҳалардаги бошланғич ташкилотларнинг янги низомлари ҳақида ҳам машғулотлар ўтилди. Интерфаол усулдаги семинарда «Камолот»чилар шунчаки эшитиб ўтиришмади, балки янги гоёлари билан қатнашди.

Таълим муассасаси ходимлари Ҳаракатнинг ўрта умумтаълим ва ўрта махсус, касб-хунар таълими муассасалари ҳамда корхона, ташкилот ва муассасалардаги бошланғич ташкилотлари етакчиларининг ҳудудий ўқув семинарларида тренер ва ҳакамлар ҳайъати аъзоси сифатида иштирок этди. Улар ҳудудий ўқувларда меҳнат жамоаларидаги бошланғич ташкилотлар фаолиятини тартибли олиб боришни таъминлашга мўлжалланган дастурий мақсад-вазифаларни амалга ошириш бўйича тўпланган тажрибалар асосида янги тасдиқланган БТ низоми, ёшларга оид давлат сиёсати, иж-

ўқув-услубий қўлланмалар тайёрланмоқда. Яқинда Олий Мажлис ҳузуридаги Нодавлат нотижорат ташкилотлар ва фуқаролик жамиятининг бошқа институтларини қўллаб-қувватлаш Жамоат фонди гранти асосида Ҳаракатнинг ўрта махсус таълим муассасаларидаги бошланғич ташкилотлари етакчилари учун ўқув-услубий қўлланма ишлаб чиқилди. Ушбу методик қўлланмада ёшлар билан ишлашни ташкил этишнинг ташкилий ва психологик асослари, Ҳаракат бошланғич ташкилотларида ишни ташкил этиш, номенклатура, ташкилий ҳужжатлар ва намунавий тадбирларга оид ҳужжатлардан намуналар ўрин олган. Эндиликда ушбу қўлланма етакчиларнинг энг яқин кўмакчисига айланади.

— Шунингдек, Ҳаракатнинг Бухоро вилояти кенгаши мутахассислари билан ҳамкорликда «Камолот» ёшлар ижтимоий ҳаракатининг корхона, ташкилот ва меҳнат жамоаларидаги бошланғич ташкилотлари етакчилари учун ҳам ўқув-услубий қўлланма тайёрладик, — дейди «Камолот» ёшлар ижтимоий ҳаракати қошидаги «Ўқув-услубий марказ» нодавлат таълим муассасаси директори Дилфуза Шодиева. — Услубий қўлланмаларнинг дастлабки талқини ишлаб чиқилгандан сўнг ушбу соҳаларда фаолият юритаётган йирик бошланғич ташкилотлар етакчилари иштирокида ўтказилган давра суҳбатларида муҳокама қилинди ва уларнинг фикр-мулоҳазалари ўрганилди. Етакчилар билан ўтказилган мулоқотлар жараёнида уларни қизиқтираётган масалалар ва муаммолар ҳам кўриб чиқилди. Бугунги кунда услубий қўлланмалар экспертлар томонидан кўриб чиқилиб, нашр эттириш учун тайёр ҳолга келтирилди.

Хозирда БТ етакчилари учун «Ўқув-услубий марказ» нодавлат таълим муассасаси томонидан яна учта ўқув-услубий қўлланма тайёрланмоқда. Биргина мактаб, академик лицей ва касб-хунар коллежларидаги БТ етакчиларининг ИИБ профилактик рўйхатида турувчи вояга етмаган ёшлар билан ишлаши учун олтита қўлланма ишлаб чиқилди.

Бундан ташқари, етакчи имижига ва интерфаол ўйинлар қўлланмаси ҳам тайёрланапти. Марказнинг ахборот-ресурс бўлими томонидан тайёрлана-

ётган методик қўлланмалар эса Ҳаракат тизимидаги кадрлар малакасини ошириш учун ташкил этилаётган ўқув семинарлари самарадорлигини янада оширмоқда. Шунингдек, бу ерда «Камолот»чиларнинг иш фаолиятига кўмакчи мультимедиа маҳсулотлари яратилмоқда. Ахборот-ресурс марказида услубий таъминот, ўқув технологиялари, тест материаллари, илмий ишланмалар ва бошқа йўналишларга оид базалар шакллантирилиб, янгилаб борилади. Марказда Ҳаракат тизимларидаги илғор тажрибалар, ёшлар таълим-тарбиясига оид бадиий ва ҳужжатли фильмлар ҳамда фото ва видеоархивлар ҳам шакллантирилади. Айни кунларда марказнинг веб-саҳифасини яратиш устида қизгин иш кетаяпти.

— Марказ кутубхонасидаги адабиётлар, услубий қўлланмалар ва ишланмалар машғулотларни сифатли олиб бориш имконини бераяпти, — таъкидлайди Дилфуза Шодиева. — Шу кунга қадар кутубхона уч юзга яқин китоблар билан бойиди. Кутубхонанинг маънавият, миллий гоё ва мафкура, бошқарув маданияти, ҳуқуқ, иқтисодиёт, социология, психология ва бошқа йўналишларга оид китоблар билан таъминланишида Ўзбекистон Республикаси Президенти ҳузуридаги Давлат бошқаруви академияси, Республика Маънавият тарғибот маркази, Республика Миллий гоё ва мафкура илмий-амалий маркази катта ёрдам берди. Уларнинг сафини янада қенгайтириш учун «Шарқ», «Ўзбекистон», Фафур Гулом номидаги нашриёт матбаа уйи, «Адолат», «Янги аср авлоди» сингари йирик нашриётлар билан олтимиш номдаги китобларни харид қилиш учун шартномалар имзоланди.

Марказнинг илмий-методик кенгашида «Камолот» ЁИХнинг кўп йиллик тажрибали мутахассислари, депутатлар ҳамда фаолияти беvosита ёшлар билан боғлиқ соҳа вакиллари ўз тақлиф ва тавсиялари билан қатнашиб келяпти. Бундай тавсиялар «Ўқув-услубий марказ» нодавлат таълим муассасасининг муҳим ўқувлари, семинар ва методик ўқув-услубий қўлланмаларини тайёрлашида катта ёрдам беради.

Рустам ЮСУПОВ,
«Turkiston» мухбири.

Сардор Муллажонов
олган суратлар



Шу боис уларнинг ёшлар билан ишлаш кўникмасини ошириш, уларни ёшлар сиёсатига оид қонун ҳужжатларидан хабардор этиш, Ҳаракат фаолияти билан таништириш, бошқарув маданияти, шунингдек, мамлакатимизда амалга оширилаётган ислохотлардан воқиф этишда ушбу таълим муассасасининг алоҳида ўрни бор.

ЎҚИБ МАЛАКА ОШИРИШАДИ

Ҳар қандай ўқув жараёнини режа ва дастурларсиз тасаввур этиб бўлмайди. Қолаверса, таълим муассасаси фаолиятини ташкил этишда асос бўладиган норматив ҳужжатлар ҳам фаолият самарадорлигини белгилаб берувчи омиллардан саналади. Бу борада таълим муассасаси ходимлари томонидан анча-мунча ишлар амалга оширилган. Жумладан, ўтган вақт давомида таълим муассасаси Давлат тест маркази томонидан кадрлар малакасини ошириш

«Ўқув-услубий марказ» нодавлат таълим муассасаси ходимларининг маълум қилишича, яқинда мазкур таълим муассасасининг илмий-услубий кенгаши йиғилишида бир қатор ўқув-услубий қўлланмалар тасдиқланди. Эндиликда улар нашрдан чиқарилиб, бошланғич ташкилотлар етакчиларига тарқатилади.

каз» нодавлат таълим муассасасида кадрлар малакасини ошириш ва уларни қайта тайёрлаш, услубий ва ахборот-ресурс бўлимлари фаолият кўрсатмоқда.

Шу ўринда таълим муассасаси томонидан илк ўқишлар ташкил этилганини таъкидлашни истардик. Жумладан, Ҳаракатнинг ҳудудий кенгашларининг раис ўринбосарлари, «Камалак» болалар ташкилоти раислари ҳамда ташкилий, кадрлар ва ахборот-таҳлил бўлими мудирилари учун 24 соатга мўлжалланган ўқув-семинарда VI ҳисобот-сайлов конференцияларини ташкил этиш ва ўтказиш билан боғлиқ зарур билим ва тавсиялар бе-

тимой соҳадаги ислохотлар, уларни амалга оширишда «Камолот» ЁИХнинг ўрни, Ҳаракат Низоми ва Ўзбекистонда ННТлар фаолиятига оид қонунчилик каби мавзуларда машғулотлар ўтказишди.

Ўқув жараёнини услубий йўналишсиз тасаввур этиб бўлмайди. Бу йўналишда амалга оширилаётган ишлар ўқув жараёнининг самарадорлигини ошириш баробарида, қўйи тузилмаларнинг фаолиятини тартибга солиш, уларнинг ишини методологик жиҳатдан ташкил этиш имконини беради.

Шу мақсадда таълим муассасасининг услубий бўлимида «Камолот»чилар учун турли



Хуқуқий экспериментда ОАВ ва ННТлар фаоллиги

Президентимиз Ислон Каримовнинг 2013 йил 20 мартда қабул қилинган «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси қонуни лойиҳаси синови бўйича хуқуқий эксперимент ўтказиш ҳақида»ги фармойишига мувофиқ, Самарқанд вилоятида самарали ишлар амалга оширилмоқда.

Давлат ҳокимияти ва бошқаруви органлари фаолияти очиқлигини таъминлашнинг муҳим шартларидан бири улар билан оммавий ахборот воситалари ўртасида сифатли мулоқот муҳитини яратишдир. Давлат ҳокимияти органлари ва ОАВ ўртасида ўзаро мулоқот муҳитининг икки муҳим хусусияти бор. Аввало, мазкур мулоқот орқали давлат ҳокимияти органлари томондан қабул қилинган қарорлар ва уларнинг аҳамияти ҳақида жамоатчиликка атрофлича маълумот етказилади. Айна пайтда давлат ҳокимияти ва жамият ўртасида ахборот ва фикр алмашиш имконияти юзага келади. Бу эса кучли фуқаролик жамиятини ривожлантириш, давлат бошқарувини демократлаштириш, мазкур жараёнларда фуқароларнинг фаол иштирокини таъминлашга хизмат қилади. Шу ўринда таъкидлаш керакки, бу мулоқот муҳитининг ривожланиши ОАВ фаолиятининг кучайиши, фуқароларнинг ижтимоий-иқтисодий фаоллиги, сиёсий-хуқуқий маданияти юксалиши билан уйғун равишда амалга ошади. Фуқароларнинг давлат ҳокимияти ва бошқарувидаги фаоллигига таъсир этувчи омиллардан бири бу — уларни давлат

ҳокимияти органлари қабул қилаётган қарорлар, ҳудудлар ва тармоқларни ривожлантиришга қаратилган дастурлар, уларнинг бажарилиши тўғрисидаги ахборотлар билан таъминлаш ҳисобланади. Бу давлат ҳокимияти органлари фаолияти, унинг йўналишлари ва аҳамияти ҳақида фуқароларда тушунча-тасаввур уйғотади. Қабул қилинаётган қарорлар ва дастурлар ҳаётга самарали татбиқ этилади. Яъни давлат ҳокимияти ва бошқаруви органлари фаолияти устидан таъсирчан жамоатчилик назорати ўрнатилди. Бунда ҳокимият органлари таркибиде ташкил этиладиган ахборот хизматлари муҳим ўрин тутди. Бу хизматлар давлат ҳокимияти органлари ва ОАВ ўртасида ўзаро мулоқот муҳитини яратади, томонлар манфаатларининг мувозанатини таъминлайди, энг муҳими, давлат ҳокимияти органлари фаолияти, улар қабул қилаётган қарорлар ҳақида жамият аъзоларини хабардор қилиб боради. Давлат ҳокимияти органлари ўз фаолияти ҳақидаги ахборотларни фуқароларга етказишда ОАВга таянар экан, ОАВ ҳам самарали фаолият юритиши учун ишончли ахборот манбаларидан фойдаланиш имконига эга бўлиши

керак. Шунда ОАВ давлат ҳокимияти органлари фаолиятини тезкор ёритиш орқали давлат ва жамият ўртасида ишончли воситачига айланиши мумкин. Бунинг учун давлат ҳокимияти органлари таркибидеги ахборот хизматлари ҳар томонлама профессионал тарзда ташкил этилиши зарур. Чунки улар давлат ҳокимияти органларининг барча йўналишлар бўйича ахборот сиёсатини юритади.

Хорижлик экспертлар ахборот хизматлари мутахассислари бажарадиган вазифаларни асосий учта йўналишга ажратиш мумкин, деб ҳисоблашади. Булар ташқи, ҳимоявий ҳамда ички хусусиятларга эга вазифалардир. Давлат ҳокимияти органи фаолиятига оид ахборотларни таҳлил қилиш ҳамда ОАВга етказиш ахборот хизмати ходимининг ташқи вазифасидир. Бунда ахборот хизмати ходими воситачи ролини бажаради, хужжатлар ва материаллардаги маълумотларни ихчам ва ҳаммага тушунарли тарзда тайёрлайди. Давлат ҳокимияти органи қабул қилган қарор ёки хужжатларнинг мазмун-моҳияти, ҳудудлар ва тармоқлар ривожидеги аҳамиятини очиб, изоҳлаб беради. Журналистлар билан ҳамкорликни ташкил қилади, матбуот анжуманлари, брифинглар ўтказиши. Давлат ҳокимияти органи раҳбарларининг чиқишлари матнини, пресс-релизларни тайёрлайди, айна пайтда ОАВ мониторингини олиб боради. Ҳар бир ташкилотда қонун билан ҳимоя қилинадиган ахборотлар мавжуд ва айрим

ОАВ вакиллари шундай ахборотларга эга бўлишга интилади. Ахборот хизмати ходими эса давлат сири ҳисобланадиган бундай маълумотлар тарқалишининг олдини олади. Ахборот хизмати ходимининг давлат ҳокимияти органидаги ички вазифаси шу орган ҳамда унинг раҳбарлари фаолиятининг ОАВда ёритилиши ҳақида статистик ва таҳлилий ахборотлар тайёрлашдир. Қисқа қилиб айтганда, ахборот хизматлари давлат ҳокимияти органлари таркибиде ҳамда ОАВ орқали жамоатчилик билан самарали алоқа ўрнатишда кенг қўлмалли вазифаларни бажаради. ОАВ билан ўзаро ижобий мулоқот муҳитини яратиш орқали давлат ҳокимияти органи фаолияти ҳақида жамоатчиликнинг тушунчасини бойитиб, унга нисбатан фикрларни ривожлантиради. Натижада давлат ҳокимияти органи фаолиятининг очиқлиги таъминланади, жамоатчилик фикри асосида давлат ҳокимияти органи фаолияти янада кучаяди. «Давлат ҳокимияти ва бошқаруви органлари фаолиятининг очиқлиги тўғрисида»ги қонун лойиҳасини тайёрлашда бу жиҳатларга алоҳида эътибор қаратилди.

Самарқанд вилояти ҳокимлиги ҳамда Ўзбекистон нодавлат-нотижорат ташкилотлари миллий ассоциацияси ташаббуси билан Ўзбекистон Республикаси Олий Мажлиси Қонунчилик палатаси, Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш жамоат фонди,

Ўзбекистон Республикаси Адлия вазирлиги, Фуқаролик жамияти шаклланишини мониторинг қилиш мустақил институти, Ўзбекистон мустақил босма ОАВни ва ахборот агентликларини қўллаб-қувватлаш ва ривожлантириш эамоат фонди ҳамкорлигида хуқуқий экспериментни амалга оширишда оммавий ахборот воситалари ва ННТлар иштирокининг муҳим масалаларига бағишланган илмий-амалий семинарлар ўтказиб келинмоқда.

«Давлат ижроия органлари фаолияти очиқлиги бўйича кенг аҳоли ва жамоат ташкилотларини ахборот билан таъминлашда «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси қонуни лойиҳасининг асосий мазмуни», «ННТ билан хуқуқий эксперимент жараёни субъектлари ўртасида ташкилий-хуқуқий ва ижро механизмининг тақомиллаштиришнинг муҳим масалалари» тўғрисида ахборот берилмоқда. Шунингдек «қонун лойиҳаси нормаларини апробациядан ўтказиш бўйича хуқуқий эксперимент ўтказишни ташкил этишда фуқаролик жамияти институтлари имкониятларидан самарали фойдаланиш» хусусида, «Ижтимоий-иқтисодий муаммоларни ҳал этишда ижтимоий шериклик принциплари, давлат бошқаруви органлари фаолияти устидан жамоатчилик назоратини таъминлашда ОАВ ролини кучайтиришга қаратилган самарали хуқуқий механизмларни яратиш» тўғрисида фикр-мулоҳазалар билдирилмоқда.

Самарқанд ва Бухоро вилоятларида синовдан ўтказилаётган қонун лойиҳаси давлат бошқаруви органларининг масъулиятини ошириб, бошқарув жараёнида очиқлик ва шаффофликни таъминлашга хизмат қилади.

Ақбар БОБОЕВ



Янги билимларга очилган эшик

Халқимизда тил билган — эл билади, деган мақол узоқ йиллардан буён оғиздан оғизга ўтиб келади. Бу бежиз эмас. Зеро, бу ҳикмат замирида тил ўрганишга ундаш, шу орқали янги билимларни эгаллашдек хайрли мақсад мужассам. Президентимизнинг «Чет тилларни ўрганиш тизимини янада тақомиллаштириш чора-тадбирлари тўғрисида»ги қарори бу мақсадни рўёбга чиқариш йўлида муҳим қадам бўлди. Мазкур қарорда белгиланган вазифалар ижросини таъминлаш мақсадида Сурхондарё вилоятида салмоқли ишлар амалга оширилмоқда.

Айна пайтда вилоятда жами 1618 нафар, жумладан, 1316 нафар инглиз тили, 226 нафар немис тили, 76 нафар француз тили ўқитувчиси фаолият кўрсатмоқда. Уларнинг тажрибасини ошириш, хорижий тилларни ўргатишнинг замонавий усул ва технологияларидан хабардор қилиш мақсадида изчил ишлар қилинмоқда. Хусусан, жорий йилнинг апрель-сентябрь ойларида ташкил этилган махсус малака ошириш курсларида сурхондарёлик 1384 нафар ўқитувчи тажриба ва кўникмаларини оширди. Шунингдек, 1-синфларда чет тили (инглиз тили) машғулотларини олиб бориш учун белгиланган тадбирлар асо-

сида 833 та ўқув хонаси ажратилиб, зарур жиҳозлар билан таъминланди.

Вилоятнинг Қизириқ туманида чет тили муаллимларининг билим ва малакасини ошириш баробарида, мактаблар мультимедиа воситалари, чет тилини ўргатиш бўйича электрон ресурслар билан таъминланиб, инглиз тилини ўрганишнинг узлуксиз тизими ташкил этилди.

— Туманимизда инглиз тилини ўрганиш умумий ўрта таълим мактабларининг биринчи синфидан ўйин, оғзаки нутқ дарслари шаклида олиб борилади. Иккинчи синфдан бошлаб эса алифбони ўқитиш ва грамматикани ўзлаштиришга босқичма-босқич

ўтилади. Мактабларимизнинг барчасида инглиз тили хоналари ташкил этилиб, зарур жиҳозлар билан таъминланди, — дейди Қизириқ тумани халқ таълими муассасалари фаолиятини методик таъминлаш ва ташкил этиш бўлими мудири ўринбосари Эшқурбон Чоршанбиев.

Тизимда олиб борилаётган ишлар билан яқиндан танишиш мақсадида тумандаги Бахтигул Бўтаева директорлик қилаётган 14-мактабда бўлиб, 1-синфларда инглиз тили ўқитилиши методикаси билан танишдик. Мактабдаги инглиз тили хонаси проектор, монитор, телевизор, DVD-плеер, компьютер ва бошқа зарур ўқув ускуналари билан таъминланган. Ўқувчиларнинг инглиз тилини пухта ўзлаштиришлари учун барча шароитлар муҳайё.

Тизимда амалга оширилаётган бу каби ижобий ишларни вилоятнинг Шеробод тумани мисолида ҳам кўриш мумкин. Айна пайтда мазкур туман халқ таълими муассасалари фаолиятини методик таъминлаш ва ташкил этиш бўлими тасарруфида 68 та умумий ўрта таълим мактаби ва битта инглиз тилига ихтисослаштирилган мактаб-интернат мавжуд. Тумандаги

барча ўқув масканларида 1-синф ўқувчилари учун чет тили хоналари ташкил этилиб, уларда компьютер, проектор, телевизор, DVD-плеер ва бошқа ўқув кўргазмалари қуроллар тўплами мавжуд.

— Бугун юртимизда ёш авлодга чет тилларни ўргатишга катта эътибор қаратиляпти, — дейди Шеробод туманидаги 1-мактабнинг инглиз тили ўқитувчиси, халқ таълими аълочиси Муҳаббат Рўзиқулова. — Таълим сифати ва самарадорлигини ошириш мақсадида ўқитувчилар малакаси оширилиб, уларга устама ҳақлар тўланапти. Бу рағбат биз, ўқитувчиларнинг янада фаол таълимнинг замонавий технологияларидан фойдаланиб дарс ўтишимизда муҳим аҳамият касб этади.

Юртимизда ёш авлод камолотига қаратилаётган бундай эътиборни барча соҳаларда кўриш мумкин. Бундан кўзланган мақсад ўзбек ёшларининг ҳеч кимдан кам бўлмай улғайишлари, замонавий билимларни пухта ўрганишлари учун муносиб шароит яратишдир.

Наргиза РАҲМАТУЛЛАЕВА,
«Turkiston» мухбири

Устозлар тажрибаси — ёшларга қанот

Оққўрғон туманидаги 13-мактабда 320 нафардан зиёд ўқувчиларга 28 нафар ўқитувчи қалб қўри, меҳр билан сабоқ берапти.

Мактабда ташкил этилган шарт-шароитлар, ўқув-моддий базанинг мустаҳкамлаб борилаётганлиги таълим самарадорлигини янада оширишда қўл келмоқда. Ўқув ишлари, асосан, кабинет тизимида олиб борилади. Физика, кимё ва биология фанлари бўйича ўқув-лаборатория хоналари тўлиқ жиҳозланган. Информатика хонасидаги барча компьютерлар интернет ва Ziyonet тармоқларига уланган.

Хозирда 19 та фан ва спорт тўғараги мунтазам ишлаб турибди. Ўқувчиларнинг фан тўғарақларига фаол қатнашаётганлиги эса улар иқтидорларини сайқаллашда муҳим омил бўлмоқда. Айниқса, мактаб ўқувчиларининг фан олимпиадалардаги муносиб иштироки эътирофга лойиқ.

Мактабнинг 8-синф ўқувчиси Дилрабо Рискулова она



тили ва адабиёт фани бўйича билимлар беллашувининг туман босқичида голиб чиқиб, вилоятда иккинчи ўринни эгаллаган бўлса, фан олимпиадаларида 9-синф ўқувчиси Шахноза Эргашева физика фани бўйича, 8-синф ўқувчиси Дилноза Эсонова эса ҳуқуқшунослик фани бўйича туман босқичида иккинчи ўринни қўлга киритди. Ушбу ютуқларнинг қўлга киритилишида уларнинг устозлари Роза Жиянова, Дилором Бобоёрова ва Шухрат Тошқуловнинг ҳиссаси каттадир.

— Энди иш бошлаган ёш ўқитувчилар учун ўқув-тарбиявий ишлар бўйича ўринбосар Мавлуда Раҳмонова,

маънавий-маърифий ишлар бўйича ўринбосар Раъно Боймоқованинг катта тажрибага эга эканлиги қўл келмоқда, — дейди мактаб директори Анвар Мирзаев. — Уларнинг тажрибаси ибрат мактаби бўлиб хизмат қиляпти.

Дарҳақиқат, мактабда устозлар тажрибаси ёшларга қанот бағишламоқда. Бу борада «Устоз-шоғирд» аънанасининг йўлга қўйилганлиги ҳам аҳамиятлидир. Мактабдаги илғор ўқитувчиларнинг иш тажрибаси доимо оммалаштириб борилади. Айни бир вақтнинг ўзида инглиз тили хоналари ташкил этилиб, 14 номдаги зарур жиҳозлар билан

таъминланган.

Биринчи синф ўқувчилари учун ажратилган ўқув ва ўйин хоналаридаги ўзига хос жиҳозлар дарҳол эътиборни тортади.

Мактабда оила — мактаб — маҳалла ҳамкорлиги яхши йўлга қўйилган. Ота-оналар ва маҳалла фаоллари билан доимий мулоқотда бўлиш одат тусига кирган.

Ибратли аънаналардан бири шуки, мактаб ўқувчилари ва ўқитувчилар учун алоҳида либос тайёрланган. Кийиниш маданиятига қатъий риоя қилиш жамоанинг кундалик одатидир.

Ашурали БОЙМУРОД,
«Turkiston» мухбири

Тўғриликлар

*Сен бойлик тўплама, йиққин дур — илм,
Бойлик бу — ўткинчи, манғудир илм.
Ҳою-ҳавасларнинг охири бўлмас,
Уларга инсоннинг жангидир илм.*

*Осмонга туфлама, юзингга қайтар,
Ёмонлик айлама, ўзингга қайтар.
Яхшилик қилавер, сенга қайтмаса,
Ўғлингга қайтади, қизингга қайтар.*

*Бир дарахт ўстириш жуда катта бахт,
Балки ҳайкал бўлар сенга шу дарахт.
Довруғинг ёяди олис элларга,
Номингни нақш айлар сонсиз дилларга.*

*Лаҳзани қадрла — кунинг шод ўтгай,
Кунларни қадрла — умринг шод ўтгай.
Демакким, қадрига етсанг умрнинг,
Сени унутмаслар — юртинг ёд этгай.*

*Ҳаёт гўзал, қараб кўзинг тўймайди,
Шунга лойиқ яшамасанг бўлмайди.
Ўрнак олсин ҳаётингдан кўпчилик,
Хато қилар — ким бошқача ўйлайди.*

*Отинг йўрға бўлса, йўлда қолмайсан,
Сарбон доно бўлса, чўлда қолмайсан.
Элнинг дарди билан яшасанг мудом,
Бир четда қолмайсан, сўлда қолмайсан.*

БОЛАЛИК

*Беғубор болалик, беғидир кунлар,
Юлдуз санаб ўтган осуда тунлар,
Эсласам юрагим ҳаприқиб борар,
Унутмам у кунлар ёдимда бари,
Фанимат умримнинг қайтмас баҳори.*

*Илк севги қалбимда порлаган кўёй,
Бокира туйғулар дилимга йўлдош,
Ойдин кечаларга сирим этдим фои,*

*Унутмам у кунлар ёдимда бари,
Фанимат умримнинг қайтмас баҳори.*

*Бугун эса мана бошда оптоқ қор,
Ёшлик орзуларим эслайман такрор.
Сен-чи, унутдингми, малағим, дилдор,
Унутмам у кунлар ёдимда бари,
Фанимат умримнинг қайтмас баҳори.*

Мен эса ташрифинг ҳамон кутаман,

*Вақт кўзга кўринмас, лекин чопағон,
Уни тутаман деб бўлмагил сарсон.
Қўлингдан балиқдай сирғалиб қочар,
Ундан кўра интил мақсадинг томон.*

*Осон иш бўлмайди дунёда, билсанг,
Албат удадайсан ҳаракат қилсанг.
Биргина истакнинг ўзи етмайди,
Бахтингни топасан, олға интилсанг.*

*Кўнгул олмай, сўзга чечанман, дема,
Дилдаги тугунни ечаман, дема.
Саёз, чуқурлигин билмасдан туриб,
Дарёни бемалол кечаман, дема.*

*Жило топган каби ишланган олмос,
Инсон ҳам меҳнатдан бахт топгани рост.
Лоқайдлик, ялқовлик — бахт кушандаси,
Ҳеч қачон уларга қўймагин ихлос.*

*Бўлсанг-да билимдон, доно қанчалик,
Меъёрни билмаслик — катта камчилик.
Меъёр бу — фаросат, инсоф демакдир,
Уларсиз қадринг йўқ битта ақчалик.*

*Меҳмонни отангдек кўриб иззат қил,
Қўлингдан келганча сийлаб хизмат қил.
Токи мамнун бўлсин сендан умрбод,
Бу одатни дилга мангу хислат қил.*

Туроб НИЁЗ

*Умид-ла юраман, ҳар он кутаман,
То тирикман мадҳинг куйлаб ўтаман,
Унутмам у кунлар ёдимда бари,
Фанимат умримнинг қайтмас баҳори.*

Муҳаммад МАЛИК,
Тошкент молия институти
қошидаги молия академик лицейи
ўқитувчиси, физика-математика
фанлари номзоди, доцент



Тараққиёт мўъжизаси

Япониянинг «Nissan» автоконцерни ўзининг «Nissan Leaf» моделининг янгиланган версиясини тақдим этди.

Янги автомобилнинг устунлиги унинг ҳайдовчисиз ҳаракатланишидир. Мамлакатда ўтказилган кўрғазмада бир неча чорраҳали йўл макети қурилди. Буткул автопилот бошқарувида бўлган автомобиль белгиланган манзилга етгунча тўсиқларни айланиб ўтиш билан бирга, керакли жойларда тўхтади. 2007 йилда асос солинган бу моделга экологияга энг кам зарар етказадиган двигатель ўрнатилган. Орадан уч йил ўтиб, «Nissan Leaf» дунёда энг кам чикинди чиқарадиган автомобиллар орасида етакчи бўлиб олди. Корпорация мухтаassisларининг сўзларига кўра, 2020 йилга бориб «Nissan»нинг барча автомобиллари автопилот билан тўлиқ таъминланади.

Жазоси тайин

Испанияда йигирма икки ёшли Хуан Мануэл Моралес мамлакатдаги университетларнинг бирида теракт оширишга урингани учун Пальма-де-Майорка суди томонидан тўрт йилга озодликдан маҳрум қилинди.

Маълумотларга қараганда, жиноятчи айбини тан олгани туфайли унга нисбатан шундай, яъни анча енгил жазо қўлланилган. У бир йил муқаддам ижтимоий тармоқда 140 килограмм портловчи модда харид қилгани ҳақида гаплашгани сабабли кузатувга олинган эди. Орадан маълум вақт ўтиб, Моралес қўлга олинди. Йигитнинг кундалиги текширилганда, амалга оширишни мақсад қилган ғаразли ниятлари битилган эди. Шунингдек, Моралес бир қанча ноқонуний сайтлар яратишда ва мактаб ёшидаги болаларни ўз мақсадлари йўлида ишлатишда ҳам айбланди.

Вақтида

Тўғриланмаган хато

Хитойнинг Сиань шаҳрида режасиз қурилган кўпқаватли уй машина йўлини тўсиб қўйди.

Кўпол хато маҳсули саккиз чизиқли автомагистрал йўлининг нақ ярмини эгаллади. Архитекторлар эса уйни тез топширишни талаб қилгани учун ҳукуматни айблади. Ҳукумат эса уй бузилмаслигини эълон қилди. Сабаби бундай катта уйни бузиб қайта қуриш катта маблағни талаб этади. Шаҳар судининг сўзларига кўра, бундай хол олдин кузатилмагани боис, курувчиларга ва лойиҳанинг масъул шахсларига нисбатан жазо кечиктириб эълон қилинади. Бу воқеаларга қўшни уйда яшовчилар ҳам аралашди. Улар ноқулайлик сабабли ҳукуматдан компенсация талаб қилишди.

Бекхэм ҳамон етакчи

Таниқли футболчи Дэвид Бекхэм ўзи яшаб турган уйни ўн икки миллион фунт стерлингга сотди.

Футболчининг 1999 йилда 2,5 миллион фунтга сотиб олган «Rowneybury» саройи беш гектар майдонни эгаллаган. Саройда вертолёт қўниши учун майдонча, овоз ёзиш студияси, спортзал, теннис корти, ёзги ва қишки бассейнлар мавжуд. Исми ошкор этилмаётган харидор саройга қўшиб бир неча спорт машинаси ҳамда Бекхэмнинг Франциядаги уйини ҳам олади. Маълумотларга қараганда, Бекхэм Лондондан 45 миллион фунтга уй олишни режалаштирган. Хозирга қадар Бекхэм энг бой-вақча футболчи мақомини ҳеч кимга бермай келяпти.

Интернет манбалари асосида
Жавоҳир КАРОМАТОВ тайёрлади



Ustoz mehri

Пойтахтимизнинг Мирзо Улуғбек туманидаги 221-мактабда бошланғич синф ўқитувчилари ўртасида илгор педагогик услублар асосида дарс ўтиш аънаанага айланган. Муҳаббат Жумаева ўзи раҳбарлик қилаётган синфда дарсларни жуда қизиқарли тарзда ўтади.

СУРАТДА: Муҳаббат Жумаева ўқувчилари билан янги мавзунини муҳокама қилмоқда.

Сардор МУЛЛАЖОНОВ фотолавҳаси



Ўсмирларимиз муваффақияти

Ўзбекистоннинг ўн тўққиз ёшгача бўлган ўсмирлар терма жамоаси Осиё чемпионати «А» саралаш гуруҳининг тўртинчи турида ҳиндистонлик тенгдошлари устидан йирик — 3:0 ҳисобида галаба қозонди.

Учрашувда Сардорбек Азимовнинг аниқ тўп узатишлари натижасида Аслиддин Абдиев дублга эришди. Бобур Давлатов ҳам Ҳиндистон ўсмирлар терма жамоаси дарвозабонини ўз дарвозасидан тўп олиб чиқишга мажбур қилди. Ўзбекистон ўсмирлар терма жамоаси шу вақтга қадар гуруҳда мағлуб бўлмади. Айни пайтда гуруҳда етакчилик қилаётган Қатар ва Ўзбекистон гуруҳда тўққиз очко жамғарган бўлса-да, тўплар нисбатига кўра Қатар олдинда. Ҳар иккала жамоа ҳам ўз дарвозасидан тўп олиб чиқмади. Саралаш босқичининг навбатдаги учрашувини Ўзбекистон ўсмирлари терма жамоаси Қатар терма жамоасига қарши бугун ўтказди.

Катта мусобақа олдинда

Қозғоғистоннинг Алмати шаҳрида 14-26 октябрь кунлари бокс бўйича катталар ўртасида жаҳон чемпионати бўлиб ўтади.

Мусобақада 116 мамлакатдан 576 нафар боксчи ўн вазн тоифасида куч синашади. Терма жамоамиз бош мураббийи Марс Қўчқоров. Юртимиз шарафини Ҳасанбой Дўстматов (49 килограммгача вазн тоифасида), Жасурбек Латипов (52 килограммгача), Шаҳриёр Исоқов (56 килограммгача), Фазлиддин Ғоипназаров (60 килограммгача), Санжар Раҳмонов (64 килограммгача), Хуршид Норматов (69 килограммгача), Азиз Абдуғофуров (75 килограммгача), Ойбек Мамазулонов (81 килограммгача), Рустам Тўлаганов (91 килограммгача), Мирзохид Абдуллаев (91 килограммдан юқори) каби спортчиларимиз ҳимоя қилади.

Жавоҳир КАРОМатов,
«Turkiston» муҳбири

БОЛАЖОНЛАР САЛОМАТЛИГИ ЙЎЛИДА

«Sen Yolg'iz Emassan» Республика жамоатчилик болалар жамғармаси томонидан Ўзбекистон Республикаси Соғлиқни сақлаш вазирлиги билан ҳамкорликда Меҳрибонлик уйлари тарбияланувчиларини ихтисослаштирилган тиббий кўрикдан ўтказиш бошланди.

Президентимиз Ислон Каримов раҳнамолигида барча болаларнинг ҳуқуқларини ҳимоялаш, уларнинг саломатлиги ҳақида ғамхўрлик ва эътибор кўрсатиш, турли хавфли ва юқумли хасталикларга чалинишининг олдини олиш масаласига устувор вазифа сифатида эътибор қаратилмоқда. «Sen Yolg'iz Emassan» Республика жамоатчилик болалар жамғармаси ота-она меҳридан бебаҳра қолган болаларнинг саломатлигини доимий назорат этиб

бориш, уларда учраши эҳтимоли бўлган хасталикларнинг ўз вақтида олдини олиш, даволаш-профилактика ишларини тобора кучайтириш юзасидан кўплаб ижтимоий акциялар, хайрия тадбирларини муваффақиятли амалга оширмоқда. «Обод турмуш йили» Давлат дастури доирасида юрак, умуртка поғонаси, лаб-танглай қисмида хасталиги бор, кўриш, эшитишида нуқсон бўлган ўғил-қизларни мураккаб пластик жарроҳлик йўли билан даволашга оид

бир қатор лойиҳалар бажарилди. Бундай даволаш жараёнларига юртимизнинг Қорақалпоғистон Республикаси, барча вилоятлардаги Меҳрибонлик уйлари тарбияланувчилари, эҳтиёжманд оилаларнинг фарзандлари қамраб олинди. Шу билан бирга, Меҳрибонлик уйлари тиббий пунктларини зарур техник ускуналар, даволаш жиҳозлари, дори-дармон ва препаратлар, протез-ортопедия воситалари, махсус аравачалар, эшитиш мосламалари билан таъминлаш юзасидан изчил ишлар амалга оширилмоқда. Тошкент педиатрия тиббиёт институтининг клиникасида жорий йилнинг 20 октябрга қадар давом этадиган диспансеризация давомида педиатр, жарроҳ, отоларинголог, офтальмолог, стома-

толог, болалар гинекологи, ортопед-травматолог, болалар уролог-андролог, психоневролог, эндокринолог ва бошқа мутахассислар томонидан чуқурлаштирилган кўрик ўтказилмоқда. 7 ёшдан 15 ёшгача бўлган болаларни қамраб олган ушбу тиббий кўрик давомида ультратовушли ташхис қўйиш, қон таҳлили, электрокардиограмма жараёни, юрак, буйрак, жигар, ўт қопини замонавий тиббий ускуналарда текширишга алоҳида эътибор қаратилмоқда. Жами 2500 нафар ўғил-қизни қамраб олувчи диспансеризация натижаларига кўра болалар учун тиббий-даволаш, коррекцион муолажалар ўтказилиши кўзда тутилган.

Н.УСМОНОВА,
ЎЗА муҳбири

↙	Ел, майин шабада	↘	Божқин, шўрлик	↙	Тирноқ бусғи	↗		↘	Бугдой пояси	↗					
↗					Кўй подаси, сурув	Улуғбек... (шоҳ ва олим)	Болтаева (актриса)	Орқа (синоним)	АҚШ тутиси	Рақам, саноқ, номер	Идора, маҳкама	Мияик ҳаракат			
	Цирк майдони		Кўзой-накли илон	↘			... Несин (ҳажвчи)	↗			Қатъий қарор				
↗			Суғорилмайдиган экинзор		Асалнинг ҳам ... ширин			Жусса, гавда, вужуд	Туйғу, сезги				Шаън		
Булдон оғзи	Матҗон (шоир)		Шатъель (кимеғар)	↘			... фар, нар...	↗				Зарядли молекула			
↙					... база			... сотиқ, тижорат		Ёруғлик, шуъла					

Тузувчи: Фахриддин Раҳимов

TABASSUM

ҚИШДА ҲАМ ЎСАДИ

Қизиқувчан Собиржон онасидан сўради: — Ойи, қишда ҳам олма, узум, анорлар ўсадимиди?

— Йўқ, — деб жавоб берди онаси. — Болам, қишда уларнинг фақат нархи ўсади.

ИККИ «ДЎСТ» УЧРАШДИ

Икки ялқов учрашиб қолди. Биринчиси сўради:

— Қун бўйи ётавериш жонингга тегиб кетмайдими?

— Нега энди? Афанаб ҳам тураман...

YON DAFTARCHANGIZGA

Дангасага иш буюрсанг,
Отангдан ортиқ насиҳат қилар.

Ўзбек халқ мақоли

МУАССИС:

«КАМОЛОТ»
ЁШЛАР ИЖТИМОЙ ҲАРАКАТИ
МАРКАЗИЙ КЕНГАШИ

Газета Ўзбекистон Республикаси
Матбуот ва ахборот агентлигида 2007 йил 19 апрелда
№ 0242 рақам билан рўйхатдан ўтган.

ISSN 2010-6998



9 772010 699000

Бош муҳаррир:

Ашуров Салим Тўраевич

Тахрир хайъати:

Баҳодир Фаниев, Меҳриддин Шукуров (бош муҳаррир ўринбосари — «Turkiston»), Элмурод Нишоннов (масъул котиб — «Turkiston»), Ирина Кочергина (бош муҳаррир ўринбосари — «Молодежь Узбекистана»), Елена Калинина (масъул котиб — «Молодежь Узбекистана»), Рустам Қосимов

Навбатчи муҳаррир:

Худойбердиева
Дилбар
Эркиновна

Саҳифаловчи:

Рўзиев
Зафар
Хусанович

Газета тахририят компьютер марказида терилди ва саҳифаланди.

Манзилимиз: 100083, Тошкент,
Матбуотчилар кўчаси, 32.

Телефонлар:
(371) 233-95-97. (371) 233-79-69
e-mail: info@turkiston.uz

«Шарқ» наشريёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табок.
Корхона манзили: «Буёк Турон» кўчаси, 41.

Индекслар: 203, 3203
Баҳоси келишилган нархда.

Буюртма Г-1043.
Адади — 8113
Босишга топшириш вақти — 21.00
Топширилди — 21.30
ЎЗА якуни — 20.55

Офсет усулида босилган.

1 2 3 4 5 6